

ta sacerdotes carituri sunt, imo Britanni ipsi, se-  
rius Romanis cogniti (prius certe Græcis) non  
effugient hanc notam, nisi Cæsar eos indige-  
nas maximam partem pronunciasset.

At de immigratione patrum nostrorum in  
hanc insulam, gravior quæstio est, quam non  
tantus confusam tenebris, tantus rei antiqua-  
riæ dictator, non poterat non vidisse; eum igitur  
præjudicio laborantem hæc dissimulasse  
fatendum est.

Optimum harum controversiarum testem  
advocemus Bedam, in vicinia apud Nordan-  
Humbros Saxones (ipse Saxo) natum, educa-  
tum, qui in iis locis omnem exegit æta-  
tem, quæ sane longa illi contigit, qui circa an-  
num salutis DCCXXXVII è vivis excessit, jam  
(si epitaphio ejus fides) nonagenarius. Is no-  
stram gentem, Picticamque optime norat, cum  
iis vicinitatis & religionis commercio mul-  
tum versatus, cuius fides ipsi Cambdeno in  
omnibus multum laudatur; quem incorru-  
ptum & ingenuum veritatis & antiquitatis te-  
stem pronuntiat.

Ille, statim initio historiae suæ ecclesiasticæ,  
incolas Britanniaæ eorumque origines referens,  
primos recenset Britones, procul dubio anti-  
quissimos, de quorum initiis, neque illi, ne-  
que ipsis, teste Cæsare, aliquid constabat:  
adeo illi omni prophana historia antiquioræ.  
Proximos his adjicit Pictos, quorum adventus  
causas describit, temporum ignarus, qui, ut  
ait, navibus huc appulsi, jam pridem plurima  
insulae parte, ab austro incipiendo, à Britoni-  
bus possesta.

Subjungit deinde tertios incolas Scotos, in  
partem Pictorum receptos, qui duce Reuda  
de Hibernia egressi, vel ferro, vel amicitia si-  
bimet inter eos sedes quas hæc tenus habent  
vindicarunt. Sedes autem hæc, Bedæ tempore  
(ut postea narrabitur) non excedebat æstuari-  
um Glotta, Saxonum potentia in has con-  
clusi angustias, quemadmodum, eadem de  
causa, idem, illis temporibus, Pictis acciderat.

Iam collocatis in insula tribus his distinetis  
populis, novo capite Romanorum adventum,  
tanquam rem quæ posterioribus seculis acci-  
derat, describere aggreditur. Hæc, legentibus  
clara, perspicua sunt, nullis verborum amba-  
gibus involuta, sed secundum laudatam pa-  
tris hujus consuetudinem simpliciter tradita.

Scoti, referente doctissimo antiquario  
Cambdeno, paulo ante Saxonum adventum  
in insula confederant; vix illud certe conce-  
dit; nam ex verbis Bedæ cap. XI. referentis,  
impudentes Hibernos graffatores domum re-  
gressos, statim reverfuros, & ex Claudiani  
loco,

*Totam cum Scotus Iernen  
Morit, d' infesto spumavit remige Tethys.  
contendit, Scotos nondum hic confessisse,*

sed ex Hibernia navibus ad vectos prædas egil-  
se. Longe aliter Beda. Transmarinas autem  
dicimus has gentes, (ait ille, de Pictis & Sco-  
tis sermonem instituens) non quod essent ex-  
tra Britanniam positæ, sed quia à parte Brito-  
num erant remotæ, duabus finibus maris in-  
teracentibus, &c. Tum enim limes ad Glot-  
tam & Bodotriam stabant, extremis Romano-  
rum in insula temporibus, ut postea narrabo,  
cum de Prætenturis sermo erit. Sed ad rem:  
Saxones huc accersiti trajecerunt, ut notum  
est, an. Dom. CCCXXXVI 111 Fuerint in  
insula Scotti paucis ante annis, puta noveris.  
Ergo Scotti anno CCCXXXI primum insu-  
lam tenuerunt. At, referente Beda, jam ante  
Cæsaris primum adventum in ea sedes cœpe-  
rant. Ille autem, secundum eundem autorem,  
anno ante natum Christum sexagesimo, pri-  
mum ad hæc littora appulerat, ita videtur  
Cambdenus decerpssisse Bedæ calculo, à Cæ-  
sare ad annum CCCXX, quingentos an-  
nos: ingens certe temporis intervallum. Su-  
perficiunt adhuc anni qui Reudam & Cæsarem  
intercesserunt, quos nostri annales definiunt  
ccccxiiii fuisse, & novem Regum tem-  
pora complecti, ut quinque priores principes  
à nostris enumerati non veniant in censum.  
Demus, nostros in annorum computo à Reu-  
da (qui nostris Reutharis fuit) ad Cæsarem  
aberrasse; certe nemo non fatebitur plusculos  
annos intercessisse, neque in numerum no-  
bis erit anxie inquirendum, cum iis omni-  
bus annis subtractis, procul-dubio Cambde-  
nus causa cadet; sed hæc æquo lectori judi-  
canda relinquo.

Iam ad alia properanti moram injectit an-  
thropophagia nota, priore libri sui editione  
majoribus nostris inusta, advocatis in testimo-  
nium Strabone, & Hieronymo. In Strabone  
nihil tale me legisse memini, neque apud illum  
aliqua Scotorum mentio, qui pauca & incerta  
de Britannia refert, ait, hoc se de Hibernis,  
qui Britannis feriores, & magis incolti (refe-  
rente eo) audivisse.

At cavendum nobis ab Hieronymo erat,  
nisi quod videam posterioribus curis hujus vi-  
ri, hanc nobis remissam noxam, & infame cri-  
men hoc ad Attacottos relegatum: ex fide  
manuscriptorum codicum, ut ait, Erasmo con-  
sentiente, qui corruptum locum agnoscit; &  
antiquarius noster refert, se non posse non fa-  
teri, in diversis manuscriptis fæ Attigotti,  
Catagotti, & Cattitti legisse. At fuerit verior  
lectio de Attacottis, populus ille, si non Scoti,  
cum Scottis censetur à Marcellino; unde, si  
Hieronymo fides, regio nostra, aut è nostris  
tribus aliqua, anthropophagis infamis erit. sed  
si quis recte hæc perpendit, tutior Romanis  
historicis qui iis sacerdotibus vixere fides habebitur;  
illi sane, quibus incolæ harum regionum infe-  
stissimi